

Tongan - Holi Tohitapu - Lust Scriptures

Ekisoto 15:9 Na'e pehe 'e he fili, leu tuli, te u ma'u. Te u tufa 'a e vete, 'e topono hoku loto kiate kinautolu; Te u unuhi 'eku heleta, 'E faka'auha kinautolu 'e hoku nima.

Ekisoto 18:21 Pea 'e a'au ke fili mei he kakai kotoa ha kakai fita, ha ni'ahi 'oku 'apasia ki he 'Otua, ko e kakai fai mo'oni, 'o fehi'a ki he koloa lavaki; pea fakanofa kinautolu ko e kau pule ki he ngaahi afe, mo e kau pule ki he ngaahi teau, mo e kau pule ki he ngaahi nimangofulu, mo e kau pule ki he ngaahi hongofulu:

Ekisoto 20:14 'Oua na'a ke tono 'unoho.

Ekisoto 20:17 Pea lea 'o Mosese ki he kakai, 'Oua te mou manavahe: he koe'ahi pe ke sivi kimoutolu, ko ia kuo ha'ele mei ai 'a Elohim, pea koe'ahi ke fe'ao mo kimoutolu hono ngeia, ke; 'oua te mou angahala.

Nomipa 11:4 Pea ko e Isileli tea na'e 'i honau lotolotonga na'a nau matu'aki manatu ki he me'akai: pea ko e ka i Isileli foki na'a nau toe tangi, he'enau pehe, Ko hai 'e 'omi ha'atau kiki?

Teutalonomo 5:21 'Oua te ke holi ki he uaifi 'o ho kaunga'api; pea 'oua te ke manumanu ki he fale 'o ho kaunga'api, ki hano 'api, pe ki ha'ane tamaio'eiki, pe ki ha'ane kaunanga, ki ha'ane pulu, pe ki ha'ane asi, pe ki ha me'a 'e taha 'oku 'a ho kaunga'api.

Teutalonomo 12:20 Ka faifai pea toloaki ho kau'a 'e Sihova ko ho 'Otua, 'o hange ko 'ene folofola kiate koe, pea te ke pehe, Kau kai kakano, koe'ahi 'oku holi ho loto ke kai kakano; te ke kai kakano pe, pe ko e ha 'a e me'a 'oku holi ho loto ki ai.

Teutalonomo 22:22 Ka ma'u ha tangata 'oku ne mohe mo ha fefine alafia, te na mate pe fakatou'osi, 'a e tangata na'e mohe mo e fefine, pea mo e fefine: ka ke 'ave ai 'a e kovi mei Isileli.

Siosiuia 7:21 Na'a ku mamata 'i he vete ki ha pulupulu fakaPapilone 'e taha na'e fungani, pea mo ha sikeli siliva 'e uangeau, pea mo ha 'elelo koula na'e nimangofulu sikeli hono mamafa; pea u manumanu ki ai, pea u to'o; pea ko e ni kuo tuku fufu ia 'i he kelekele 'i hoku loto teniti, pea ko e siliva 'oku 'i lalo.

Same 10:3 He ko e holi 'o hono loto, ko e polepole'anga ia 'o e angakovi; Pea kuo ne fakamalo kiate ia 'oku ma'u me'a 'i he fakamalohi: 'Oku ne mā 'imoa'aki 'a e 'Eiki.

Same 78:18 Pea nau ala'aki kia Ela 'i honau loto, He kole me'akai na'e 'ao mo 'enau manako.

Same 78:30 Kuo te'eki lahi 'ene vovo, Kei 'i honau ngutu 'a e kakano,

Same 81:12 Ko ia na'a ku tukuange ai kinautolu ki honau loto ta'emangoi, Ke nau fou 'i ha'anautolu pe filio'i.

Same 106:14 Ka na'e hulu 'enau u'akai he toafa, Pea nau ala'aki kia Ela 'i he lala.

Same 119:36 Ofe 'i hoku loto ki ho'o 'u fakamo'oni na, 'O 'ikai ki he pa'anga

ma'u kakā.

Palovepi 1:19 Ko e nanunga ia 'o ia fuape 'oku fa'ao koloa; 'Oku 'ave ai 'a e mo'ui 'a e kakai 'oku ma'u.

Palovepi 6:25 'Oua 'e holi ho loto ki hono hoihoifua; Pea 'oua na'a pukea koe 'e hono laumata.

Palovepi 15:27 Ko ia 'oku fa'ao koloa 'oku ne fakamamahi hono fale o'ona: Ka ko ia 'oku fehi'a ki he totongi fufū te ne mo'ui.

Palovepi 21:25,26 Ko e havala 'a e makau ko hono mate'anga ia, He 'oku fakafisi hono nima ke ngaūe. 26 Ko Me'a 'oku ne holi mai ē he 'aho kotoa pe; Ka ko si'i faitotonu 'oku ne foaki pe 'o 'ikai ta'ofi.

Palovepi 28:16 Eni, 'eiki masiva he ngaahi fa'ahinga poto, Kae mohu he fainga fakamalohi; Ko ia 'oku fehi'a ki he ma'u pa'anga hala Te ne tolonga fuoloa.

Aisea 56:11 Talaatu ko e fanga kuli havala, 'oku 'ikai te nau 'ilo 'a e topone; ka ko e kau tauhisipi tokua, 'osi 'oku 'ikai hanau 'atāmai; 'oku nau afe taki taha 'i hono hala, ke ma'u mei ha potu ha'ane me'a. "Mou omi, kau kumi uaine, pea tau inu fakaputa 'a e kava malohi; pea ko e 'apongipongi 'e hange ko e 'aho ni, 'o fu'u hulu atu."

Aisea 57:17 Koe'ahi ko e kovi o 'ene manumanu, ko ia na'a ku 'ita ai, pea u taa'i ia, na'a ku fufū au meiate ia, he kuo u 'ita: ka ka 'alu atu pe ia, 'o afe ai pe 'i he hala 'oku ne loto ki ai.

Selemaia 6:13 He 'oku nau manumanu koloa kotoa pe, mei he si'i ki he lalahi; mei he palofita ki he taula'eiki 'oku ngaūe'aki 'a a kākā honau kotoa.

Selemaia 22:17 Ka ko'e me'a pe 'oku hanga ki ai ho fofonga mo ho loto, ke ma'u ha'o koloa, pea ke lilingi 'a e toto 'o e ta'ehalaia, pea ke fai ha fakamalohi mo ha have 'i.

Selemaia 51:13 Si'i nofo ki he ngaahi vai lahi, Mohu fokotu'unga koloa, Kuo hoko mai ho ngata'anga, Kuo ke a'u ki he fua 'o ho'o fa'ao koloa.

Isikeli 6:9 Pea ko kimoutolu kuo hao te mou manatu kiate au 'i he ngaahi pule'anga kuo taki kinautolu ki ai, 'o ka kuo u fesi 'i ma'aku honau loto fie tango, 'a ia kuo afe meiate au, mo ngaohi honau mata fie tango ki he'enau ngaahi tamapua: pea te nau fakalili'a kiate kinautolu, koe'ahi ko e kovi kuo nau fai 'i he'enau ngaahi fu'u fakalielia.

Isikeli 14:4,5 Ko ia ke ke tala kiate kinautolu, mo ke pehe ki ai, Ko e folofola 'eni 'a Atonai Sihova, 'ilonga ha taha mei he fale 'o Isileli 'oku ne tuku 'ene ngaahi aitoli ke hake 'i hono loto, pea 'oku ne 'ai 'a e tukia'anga 'oku ne kovi ai ke fe'ao mo ia, ka ne ha'u ai pe ki he palofita, ko au Sihova te u tali ia, 'o fakatatau ki he me'a ko ē, 'a e lahi o 'ene ngaahi aitoli. 5 Koe'ahi ke; u puke 'a e fale 'o Isileli 'aki honau loto, he kuo nau mahu'i meiate au kotoa pe ko e me'a 'i he'enau ngaahi aitoli.

Isikeli 22:12 'Oku fai 'iate koe 'a «5 tali me'a lavaki ke lilingi toto; 'oku ke 'eke hulu mo e tolo, pea 'oku ke fa'ao me'a mei ho kaunga'api 'i he fai fakamalohi, ka ko au 'oku ke fakangalongalo 'i — ko Atonai Sihova ia mei he Ta'ehamai.

Isikeli 33:31 Pea te nau omi kiate koe, hange ko e omi 'a ha kakai, pea te nau nofo 'i ho 'ao tokua ko hoku kakai, pea te nau fanongo ki ho'o ngaahi lea, kae 'ikai te nau fai ki ai: ngata pe ha me'a 'oku melie ki honau ngutu, te nau fai ia:

‘oku muimui honau loto ki he ma‘u koloa.

Hosea 4:12 ‘Oku huhū hoku kakai ki he‘enau potu ‘i ‘akau, pea ‘oku tala me‘a ki ai honau va‘akau: he kuo fakahee‘i kinautolu ‘e he laumalie angafe‘auaki, pea kuo nau fai kovi mei he fatafata ‘o honau ‘Otua.

Hosea 5:4 Ko ia ‘e matu‘aki talatalaaki ‘i ia ‘e he langilangi ‘o Isileli: pea ko Isileli mo Ifalemi te na humu ‘i he‘ena fai kovi; ‘e humu foki ‘a Siuta fakataha mo kinaua.

Maika 2:2 Pea ‘oku nau manumanu ki he ngaahi ‘api, ‘o nau fa‘ao; pea ki he ngaahi fale, ‘o nau‘ave: ‘io, ‘oku fakamalohi ‘a e helo mo hono fale, ‘a e tangata mo hono tofi‘a.

Nehumi 3:4 Ko e ‘atunga ē ‘o e lahi ‘o e fe‘auaki ‘a e pa‘umutu faka‘ofo‘ofa, Poto he ngaahi to‘onga tuki; ‘A ia ‘oku ne fakatau ‘a e ngaahi kakai ‘aki ‘ene ngaahi fe‘auaki, Moe ngaahi famili ‘aki ‘ene ngaahi to‘onga tuki.

Hapakuke 2:9 ‘Oiaue ‘a e taha ‘oku ne fakalahi koloa hala ma‘a hono famili, Ke ‘ai hono pununga ‘i taukakapa, Ke ne hao mei he tatae ‘a e kovi!

Matiu 5:28 ka ‘oku ou tala kiate kimoutolu ‘e au, ‘ilonga ‘a ia te ne fakasio ki ha fefine ke tafunaki ‘ene holi ki ai, kuo ne tono ‘i ia ‘i hono loto.

Maake 4:19 ka ko e fa‘a loto mo‘ua ki mamani, mo e fakahekeheke ‘a koloa, pea mo e holi ki he ngahi me‘a kehekehe, ‘oku nau hūhū mai, ‘o kāsia ‘a e folofola, pea ne ta‘e fua.

Maake 7:22 ‘a e ngaahi manumanu, ‘a e angafita‘a, “a e kākā, ‘a e pau‘u, ‘a e meheka., ‘a e laukovi ki he ‘Otua, ‘a e ‘afungi,

Luke 3:14 Pea fehu ‘i kiate ia mo ha kau tau, ‘o nau pehē, Ko e hā te mau fai ‘e kinautolu foki? Pea ne pehē ki ai, ‘Oua te mou fakamalohia ha taha; pea “oua na‘a fasitu‘u ‘i; pea mou fiemalie ‘i he tokonaki ‘oku ‘atu.

Luke 12:15 Pea ne lea kiate kinautolu ‘o pehē, Mou ‘ā, ‘o le‘ohi kimoutolu telia ‘a e ngaahi manumanu: he neongo oku fu‘u lahi ‘a e koloa ‘a ha taha, ka ‘oku ‘ikai hoko ai ‘o tautau ‘ene mo‘ui ki he‘ene nga‘oto‘ota.

Luke 16:14 Pea na‘e fanongo ki he ngaahi me‘a ko ia ‘e he kau Fālesi, ‘a ia ko e fa‘ahinga ‘ofa ki he pa‘anga; pea nau fingofingo kiate ia.

Sione 8:44 Ko e tamai kuo mou tupu mei ai ko e Tevolo, pea ko e ngaahi manako ‘o ho‘omou tamai ‘oku mou loto ke fai. Ko e toko taha ko ia ko e tamatetangata mei he kamata‘anga, pea na‘e ‘ikai te ne tu‘unga ki he mo‘oni, koe‘uhia ‘oku ‘ikai ha mo‘oni ‘iate ia. ‘O ka lea loi hamou toko taha, ko ‘ene lea‘aki mei hono fa‘ahinga: he ko e loi ia, pea pehē mo ‘ene tamai.

Ngae 20:33 Na‘e ‘ikai te u manumanu ki ha konga siliva ‘a ha 34 taha, pe ha koula, pe ha kofu.

Loma 1:24-29 Ko hono ō ia na‘e tuku atu ai kinautolu ‘e he ‘Otua ke nau fou ‘i he ngaahi holi ‘o honau loto, ‘o a‘usia ‘a e anga‘uli; ko ia na‘e fakalielia ‘i honau sino ‘i he‘enau feangai, 25 he fa‘ahinga ko ia na‘a nau tuku ‘a e mo‘oni ‘a e ‘Otua, ka nau fai‘aki ‘a e koto loi; ‘o nau lotu mo tauhi ki he me‘a kuo ngaohi, ‘o laka ‘iate ia na‘a ne ngaohi, ‘a ‘Ene ‘Afio ‘oku o‘ona ‘a e fakamalo ‘o laikuonga. Emeni. 26 Ko ia na‘e tuku atu ai kinautolu ‘e he ‘Otua ki he ngaahi feinga ‘a ia ko e koto fakalielia. He ko honau kakai fefine na‘a nau tuku ‘a e fai faka‘enatula, ka nau hiki ki he anga ‘oku makehe mo natula. 27

Pea pehe foki mo e kakai tangata, na'a nau li'aki 'a e fai ki he fefine, 'a ia 'oku faka'enatula, ka nau matu'aki 'afu 'i he feholi'aki, ko e fai 'e he tangata mo e tangata 'a e me'a ta'etāu: pea ko 'enau ma'u e 'i he sino 'onautolū 'a e totongi na'e hoa mo 'enau he; 'a ia na'e totonu ke pehe. 28 'Io, 'o hangeā 'enau li'aki 'a e 'Otua, he 'ikai te nau loto ke puke ma'u 'enau 'ilo kiate ia, pehe na'e tuku atu kinautolu 'e he 'Otua ki he loto li'ekina, ke fai me'a ta'etāu 29 — ko e kakai kuo fonu ngutungutu 'i he angahala kotoa pe, he angafita'a, he manumanu, he lotokovi; ko e kakai 'oku pito 'i he meheka, he fakapo, he fakakē, he fakahekeheke, he mahalo kovi;

Loma 6:12 Ko ia, 'oua na'a tuku ke Hau 'a Angahala 'i homou sino matengofua, ke mou tuitala ki he ngaahi holi o'ona.

Loma 7:7 Pea fēfē ai? te ta pehe, ko e Lao ko e koto angahala? Mole ke mama'o! Ka neongo ia, ka na'e 'ikai te u lave 'i 'a e angahala, ka ne ta'e'oua pe 'a e Lao. 'O pehe; ne 'ikai te u ongona 'a e manumanu, ka ne ta'e'oua 'a e pehe mai 'e he Lao, 'Oua na'a ke manumanu.

Loma 13:9 He ko e ngaahi lea, 'Oua te ke tono fefine, 'Oua te ke fakapo, 'Oua te ke kaiha'a, 'Oua te ke manumanu, mo e ha fua ha fekau 'oku toe, 'oku falute 'e he folofola ni, Te ke 'ofa ki ho kaunga'api 'o hange ko ho'o 'ofa kiate koe.

Loma 13:14 Ka mou 'ai mu'a 'a e 'Eiki ko Sisu Kalaisi; pea 'oua na'a tokonaki ki he kakano ke kanoni 'ene ngaahi holi.

1 Kolinito 5:10,11 Ka na'e 'ikai ko e ta'ofi 'aupito mei he fe'iloaki mo e kakai fakamaama 'oku fe'auaki, pe 'oku manumanu mo fai fakamalohi, pe 'oku lotu ki he aitoli: he ka ne ko 'eku tu'utu'uni ia, ta ko e hiki mei mamani 'e fai. 11 Ka ko eni pe 'a e me'a na'a ku tohi atu: ka ai ha toko taha 'i he kau lotu 'oku fe'auaki, pe manumanu, pe lotu ki he aitoli, pe kapekape, pe fa'a konā, pe fai fakamalohi, ke 'oua te mou fe'iloaki mo ha toko taha pehe, 'io, pea 'oua na'a keinanga mo ia.

1 Kolinito 6:9,10 Ta 'oku 'ikai te mou 'ilo 'ape, ka 'ilonga ha ni'ihi 'oku ngaūe ta'etotonu, 'e 'ikai hanau tofi'a 'i he: Pule'anga 'o e 'Otua? 'Oua na'a tuku ke kākā'i kimoutolu: 'oku 'ikai ha fe'auaki, pe ha lotu ki he: aitoli, pe ha tono 'unoho, pe ha mo'ui fakapelepele, pe ha fai faka-Sotoma, 10 pe ha kaiha'a, pe ha manumanu, pe ha fa'a konā, pe ha kapekape, pe ha fai fakamalohi, te ne ma'u tofi'a 'i he Pule'anga 'o e 'Otua.

1 Kolinito 10:6 Pea ko eni, na'e fai 'a e ngaahi me'a ko ia, ko e taipe kiate kitautolu; ke 'oua na'a tau hoko ko e koto holi ki he kovi, 'o hangea ko kinautolu na.

1 Kolinito 12:31 Ka mou kakapa ki he ngaahi kelesi 'oku ma'olunga.

1 Kolinito 14:39 Ko ia, si'oku kainga, mou kakapa ki he malangapalofisai, kae'oua foki 'e ta'ofi 'a e lea 'i he lea kehe.

2 Kolinito 9:5 Ko ia na'a ku pehe, ko hono mei lelei ke u kole ki he kainga na ke mu'omu'a atu kiate kimoutolu, 'o sinaki fakama'opo'opo ho'omou me'a'ofa na, 'a ia kuo loa hono fakahā 'i; koe'uh i ke napanapangamalie ia, 'o ngali ko ha me'a'ofa, 'o 'ikai ko ha 'atu mamae.

Kaletia 5:16-20 Pea ko 'eku lea 'eni, Mou fou 'i he Laumalie, pea 'e 'ikai ai te mou momo'i fakaai 'a e holi 'a Kakano. 17 He 'oku holitu'u 'a Kakano 'o

fakafepaki ki he Laumalie; pea pehe mo e Laumalie kia Kakano: he ‘oku na feta‘ofi‘aki ‘a e ongo mea ko ia, koe‘ahi ka ai ha me‘a ‘oku mou loto ke fai, 18 pea ‘oua te mou fai ia. Ka ‘o kapau ‘oku takiekinai kimoutolu ‘e he Laumalie, ta ‘oku ‘ikai te mou mo‘ulaloa ki he Lao. 19 Pea ko eni, ‘oku matu‘aki e‘a ‘a e ngaahi ngaūe ‘a Kakano, ‘o pehe, Ko e fe‘auaki, ko e anga‘uli, ko e pau‘u, 20 ko e tauhiaitoli, ko e fai tuki, ko e fetāufehi‘a‘aki, ko e fetu‘usi, ko e meheka, ko e fe ‘ite ‘itani, ko e fakafelaulauhi, ko e fakavahavaha‘a, ko e fakafa‘afa‘ahi,

Kaletia 5:24 Pea ko kinautolu ‘oku o Kalaisi Sisu, na‘a nau tutuki ki he Kolosi ‘a e kakano mo hono ngaahi o‘i mo e holi.

Efeso 2:1-3 PEA ko kimoutolu na‘a mou mate ‘i ho‘omou ngaahi talangata‘a mo 2 e angahala; ‘a ia na‘a moa fou ai ‘i mu‘a ‘i he ‘alunga ‘o e nofo fakaemaamako eni, ‘i he ‘alunga ‘o e ‘eiki ‘o e pule‘anga ‘o e ‘atā, ko e ‘eiki ‘o e fa‘ahinga laumalie ‘oku lolotonga ngaūe ni ‘i he hako ‘o talangata‘a: 3 ‘a ia na‘a >:a kau ai ‘a kitaua foki ‘i mu‘a, pea na‘a ta mo‘ui ‘aki kotoa pe ‘a e fai ki he ngaahi holi ‘o hotau kakano, he‘eta feia ‘a e ngaahi tu‘utu‘uni ‘a hota kakano mo ‘eta ngaahi fakakaukau, pea na‘a ta nofo ai pe ko e fanau ‘o e houhau ‘i he ‘ulungaanga, ‘o hange foki ko e kakai kotoa pe.

Efeso 4:19 ‘a ia ko e fa‘ahinga ‘oku ongonoa, pea nau li‘oa kinautolu ki he pau‘u, ke fai ‘a e anga‘uli kotoa pe ‘i he havala.

Efeso 4:22-27 mo‘oni ‘oku ha ‘ia Sisu — ‘o pehe, ke mou liliu ho‘omou to‘onga mu‘a, ‘o hu ‘ihu ‘i ‘a e motu‘a tangata, ‘a ia ‘oku ‘au‘auha ko e me‘a ‘i he ngaahi holi ‘a Kākā: 23 pea ke mou tuku ke fai ai pe homou fakafo‘ou ‘e he Laumalie ‘o homou ‘atāmai; 24 pea ke mou kofu‘aki ‘a e tangata fo‘ou, ‘a ia na‘e ngaohi ke hoko ki he ‘Otua ‘i he angatonu mo e ma‘oni‘oni ‘a Mo‘oni. 25 Pea ko eni, kuo tuku ‘a e loi, ko ia mou taki taha lea mo‘oni ‘i he feangai mo hono kaunga‘api; he ko e ngaahi kupu kitautolu ‘oku fekau‘aki. 26 ‘ita pe, kae ‘oua ‘e angahala ai: ‘oua ‘e tuku ke to ‘a e la‘a ‘oku 27 mou kei mamahi; kae‘uma‘a, ‘oua na‘a tuku ha ava ki he Tevolo.

Efeso 5:3,5 kae‘uma‘a ‘a e angamousa‘a, mo e lau fakasesele pe ko e fiengutuhua, ko e ngaahi me‘a ‘oku ‘ikai ngali; ka ‘oku tāu mu‘a ha fakafeta ‘i. 5 ‘Oua na‘a tuku ke kākā‘i kimoutolu ‘e ha taha ‘aki ha koto lau pe:

Kolose 3:5 Ko ia mou ‘ai ke mate leva homou ngaahi kupu ‘oku ‘i mamani, ko e fe‘auaki, anga‘uli, havala, holi pango; kae‘uma‘a ‘a e manumanu, ‘a ia ko e tauhi aitoli tofu pe ia:

1 Tesalonaika 2:5 ‘Io, ‘anefē ha‘amau fai ha lea ko e fakalai? ‘oku mou ‘ilo pe; pea ‘anefe ha‘amau fai ha me‘a ‘a ia ko e kofu pe ‘o ha‘amau manumanu? ko e ‘Otua ē ko e fakamo‘oni ki ai.

1 Tesalonaika 4:3-7 He ko eni ‘a e finangalo ‘o e ‘Otua ko homou fakama‘oni‘oni ‘i. ‘O pehe, ke mou faka‘ehi‘ehi mei he fe‘auaki. 4 Ke mou ‘ilo taki taha ke ma‘u hono hama o‘ona ‘i he fai ma‘oni‘oni mo e fakaalaala: ‘o ‘oua ‘e fai havala ‘o hange ko e Senitaile ta‘e ‘ilo ‘Otua. 5 Ke ‘oua, na‘a ai hamou toko taha te ne halaloto‘api ki hono kainga, ‘o fai kākā‘i he me‘a ni; 6 koe‘ahi ko e ‘Eiki ia ‘oku a‘ana ‘a e ‘eke ki he alāme‘a pehe kotoa pe, ‘o hange foki na‘a mau lea ai mu‘a kiate kimoutolu, 7 mo fakamamafa ki ai. He tala‘ehai na‘e ui

kitaua 'e he 'Otua ki he ta'etāu, ka ke fai ma'oni'oni.

- 1 Timote 3:3,8 ko e toko taha 'oku 'ikai uaine'ia; ko e toko taha 'oku 'ikai fa'a tā, ka 'oku angakataki; 'oku 'ikai fiefakakikihi, 'oku 'ikai 'ofa ki he pa'anga;
 - 1 Timote 6:9,10 Ka ko kinautolu kuo pau honau loto ke koloa 'ia, 'oku nau to ki he 'ahi'ahi, mo e tauhele, mo e ngaahi holi kehekehe, 'a ia 'oku fakasesele pea ko e me'a 'oku te lavea ai; ko e fa'ahinga me'a 'oku nau lomekina 'a e kakai ki he 'auha mo e mala'ia. 10 He ko e 'ofa ki he pa'anga ko e aka 'oku tupu mei ai 'a e ngaahi kovi kotoa pe, pea ko e ni'ihi 'i he'enau ala ki he me'a ko ia kuo nau hē mei he lotu, pea kuo nau hokohoka 'i 'aki 'a kinautolu 'a e ngaahi mamahi lahi.
 - 2 Timote 2:22 Ka ko e ngaahi holi fakatalavou ke ke hola mei ai; ka ke tuli ki he ma'oni'oni, ki he tui, ki he 'ofa, pea ki he fe'ofo'ofani mo e kakai 'oku lotu ki he 'Eiki mei he lotu ma'a.
 - 2 Timote 3:2,6 He ko hono kakai te nau 'ofa kiate kinautolu pe, te nau 'ofa ki he pa'anga, te nau fielahi, te nau angata'etoka'i, te nau lea fie'otua, te nau talangata'a ki he matu'a; ko e kau ta'ehounga, ko e kau angata'emolumalu, 6 He 'oku 'i he fa'ahinga ko ia 'a e kakai 'oku totolo ki he ngaahi fale, pea taki popula ha longolonga 'i fefine kuo mafasia 'i he ngaahi angahala, pea 'oku takiekina 'e he ngaahi holi kehekehe;
 - 2 Timote 4:3 Koe'uh i 'e faifai pea hoko ha kuonga, 'a ia 'e 'ikai te nau kataki ai 'a e tokāteline haohaoa; ka te nau fokotu'uniu hanau kau akonaki, 'o fakatatau ki he ngaahi holi 'anautolu, he veli honau telinga:
- Taitusi 2:12 'oku ne ngaochia kitautolu, ke tau fakafisi ki he faka'otuamate, mo e ngaahi holi fakaemamani; ka tau mo'ui angafakama'uma'u mo angatonu mo angafakalotu 'i he maama ko en i:
- Taitusi 3:3 He ko kitautolu foki 'i mu'a, ko e kau ta'eloto, talangata'a, mo 'alu he; 'o tau nofo popula ki he ngaahi holi mo e ngaahi malie kehekehe; 'o tau mo'ui'aki 'a. e fakama 'ito'a, mo e meheka, ko e fehi'anekina kitautolu pea tau fetāufehi'a'aki.
- Isipeli 13:5 Ke ta'emanumanu ho'omou to'ong; pea mou fiemalie 'i he ngaahi me'a 'oku mou ma'u ni: he kuo folofola mai 'e he 'Ene 'Afio, 'E 'ikai si'i te u mahu'i meiate koe, kae'uma'a ha'aku momo'i li'aki koe.
- Semisi 1:14,15 Ka 'oku 'ahi'ahi 'i 'a e tangata taki taha he tohoaki ia 'e he'ene holi a'ana, mo taki 'aki ha mounu. 15 Faifai pea tu 'itu 'ia 'a e holi ko ia, 'o ne fanau'i ha angahala: pea ko e angahala ko ia, 'o ka kakato, 'oku ne fa'ele'i 'a e mate.
- Semisi 4:1-5 OKU mei fē 'a e ngaahi tau, pea mei fe 'a e ngaahi fetu'usi 'oku 'iate kimoutolu? 'ikai 'oku nau tupu mei he me'a ni, 'io mei he ngaahi holi kovi, 'a ia 'oku fai tau 'i homou ngaahi kupu? 2 'Oku mou holi me'a, 'o 'ikai ma'u; 'oku mou fai fakapo ai, 'o meheka, ka 'oku 'ikai te mou lava ke ma'u; 'oku mou fetu'usi leva 'o tau. 'A, 'oku 'ikai te mou ma'u koe'uhia 'oku 'ikai te mou kole: 3 'oku mou kole, pea 'oku 'ikai te mou ma'u, koe'uhia 'oku mou kole kovi, he ko e fai pe ke tauhi 'aki ho'omou ngaahi holi kovi. 4 'A e koto tono tangata, 'ikai 'oku mou 'ilo, ko e takaua mo mamani ko e fakafili ia ki he 'Otua? ko ia 'ilonga 'a ia 'oku lotu ke takaua mo mamani 'oku ne nofo ai ko e

fili ‘o e ‘Otua. 5 I‘o ‘oku mou pehe koā ko e launoa ‘a e folofola ko ia, ‘a ia ‘oku ne pehe, Ko e Laumalie kuo ne tuku ke nofo ‘iate kitautolu ‘oku ne feinga ‘i kitautolu, ‘o a‘u ki he fua‘a?

- 1 Pita 1:14 Fai ‘o ngali mo ha fanau talangofua, ‘o ‘oua te mou tuku kimoutolu ke anga ki ho‘omou ngaahi holi mu‘a, fai ‘i he ta‘e ‘ilo;
- 1 Pita 2:11 Si‘oku ‘ofa‘anga, ‘oku ou enginaki atu, ke mou fai ‘o ngali mo e ‘āunofo mo e muli, ‘o mou faka‘ehi‘ehi mei he ngaahi holi fakakakano; he ko e fa‘ahinga me‘a ia ‘oku fai tau ki he laumaLie.
- 1 Pita 4:2-4 ‘atā mei he angahala; koe‘ahi ke ‘oua te mou toe mo‘ui‘aki ‘a e ngaahi holi ‘a e tangata, ka ko hono toe ‘o homou taimi ‘i he kakano ke mou mo‘ui‘aki ‘a e finangalo 3 ‘o e ‘Otua. Seuke, kuo lahi pe ‘a e taimi kuo hili ke fai ‘aki ‘a e loto ‘o e Senitaile; ‘a ia na‘a mou fou ‘i he ngaahi pau‘u fakalielia, mo e ngaahi holikovi, mo e fa‘a uaine‘ia, mo e ngaahi kātoanga kai, mo e ngaahi kātoanga inu kava; pea mo e me‘a ko ia ‘oku tapuhā ‘a e 4 ngaahi feingalotu ki he aitol i: ‘a ia ‘oku nau ofo ‘i he ‘ikai te mou o ai mo kinautolu ki he pitenga ko ia ‘o e mo‘ui fakalusa, ‘o nau lau ‘ikovi kimoutolu
- 2 Pita 1:4 ‘ulungaanga lelei: ‘a ia kuo foaki ai kiate kitautolu ‘a e ngaahi tala‘ofa fungani mo mahu‘inga: koe‘ahi ke tau hoko ‘i he ngaahi tala‘ofa ko ia ko e kakai ‘oku ‘inasi ‘i he anga ‘o e ‘Otua, kuo tau hao mei he ‘auha ‘oku ‘i mamani ‘o tefito ‘i he holikovi.
- 2 Pita 2:3 Pea ‘i he‘enau mo‘ui ‘aki ‘a e manumanu, te nau ngaūe‘aki kimoutolu ke ma‘u pa‘anga, he‘enau fai ‘aki ‘a e ngaahi lea momole‘olunga: ‘a ia ko honau fakamo‘ua kuo fuoloa mo e ‘ikai tuku ‘ene ngaūe mai, pea ‘oku ‘ikai kemo hifo ‘e honau faka‘auha.
- 2 Pita 2:9-19 pea ta ‘oku poto pe ‘a e ‘Eiki ke hamusi ‘a e kakai lotumo‘oni mei he ‘ahi‘ahi, pea ke tauhi tautea ‘a e kau fai ta‘etotonu, ‘o a‘u ki he fakamāu: 10 kaeuma‘ā ‘a kinautolu ‘oku muimui ki he kakano, ‘oku nau fou ‘i he holi ‘oku fakamousa‘a kita, mo nau fakasikaka ‘i ‘a hou‘eiki. Ko e ha‘a ta‘emalu ‘ia kinautolu, ko e ha‘a tangi ke tu‘u‘ana, ko e kakai ‘oku talalakulaku ki he fa‘ahinga langilangi ‘ia, ‘o ‘ikai te nau tailiili ai. 11 Ka ko e kau angelo, neongo ‘oku nau hulu atu ‘i he malohi mo e mafai, ka tala‘ehai ‘oku nau lea‘asi ke lau ‘enau kovi ‘i he ‘ao ‘o e ‘Eiki. 12 Ka ko e kau siana ni, hange tofu pe ko ha fanga manu tae‘atāmai kinautolu, kuo tupu fakaenatula pe ke po mo tamate‘i, pehe ‘oku nau laukovi ki he ngaahi me‘a ‘oku ‘ikai te nau ‘ilo ki ai; pea ‘i he‘enau fakalusa ‘oku fai, ‘e faifai foki pea nau lusa ai, he‘enau ma‘u ‘a e totongi ‘o e fai ta‘etotonu. 13 Ko e fa‘ahinga ‘oku nau lau ko e mo‘ui fakananivi, ‘a ia ‘oku fo ‘i ‘aho pe, ko e malie ia. Ko e ngaahi ‘ila mo e ngaahi melē kinautolu, ‘oku nau fakausousa ‘i he‘enau keinanga mo kimoutolu, ‘o nau kofu 14 ‘aki ‘enau ngaahi fai kākā; ‘oku nau tama ‘imata ‘aki ha fefine ke fe‘auaki, pea ‘oku ‘ikai ke mafakamālōlō mei he angahala; ‘oku nau taki ‘aki ha mounu ‘a e ngaahi laumalie te‘eki mātu‘u; kuo ako honau loto ‘i he manumanu, ko e ha‘a mala‘ia; 15 kuo nau afe mei he hala totonu, ‘o ‘alu he pe, pea kuo nau matu‘aki muimui atu ‘i he hala na‘e fou ai ‘a Pelami ko e foha ‘o Posoli, ‘a ia na‘a ne manako ki he totongi ‘o e kākā; 16 ka na‘e to kiate ia ha valoki ‘o ‘ene faihala: he na‘e lea fakatangata mai ‘e ha me‘a ta‘elea, ko e

manu ngaūe, ‘o ne ta‘ofi ‘a e faha ‘a e palofita. 17 Ko e kau siana ni ko e ngaahi matavai ta‘e hano vai, ko e ngaahi kakapu ‘oku fakaoma ‘e ha ‘ahiohio: ‘a ia kuo tauhi mo‘onauautolu ‘a e po‘uli ‘o e kaupo‘uli. 18 He ko e me‘a ‘i he‘enau pu‘aki me‘a lalahi, ko e koto muna pe, ‘o nau mo‘ui ‘aki ‘a e ngaahi holi fakakakano ‘atā, ‘o nau mounu ‘aki ‘a e pau‘u fakalielia, ko ia ‘oku nau tauhele ‘aki ‘a e kakai kuo ‘ikai te nau meimeい hao lelei mai meiate kinautolu ‘oku nofo hē. 19 ‘Oku nau tala‘ofa kiate kinau tolu ha tau‘atāina, ‘osi ko e koto popula kinautolu ki he ‘auha: he ka kuo ikuna ha tangata ‘e ha taha, kuo ne hoko ko e popula foki ‘a e toko taha ko ia.

2 Pita 3:3 ‘o mou ‘ilo mu‘a ‘a e me‘a ni, Tokua ‘e hoko ‘i he taimi fakamui ha fa‘ahinga ‘oku matu‘aki manuki, ‘o nau fou ‘i he ngaahi holi ‘anauautolu,

1 Sione 2:15-17 ‘Oua te mou ‘ofa ki mamani, ‘uma‘ā ‘a e ngaahi me‘a ‘oku ‘i he mamani. Ka ‘ofa ‘e ha taha ki mamani ‘oku ‘ikai ‘iate ia ‘a e ‘ofa ki he Tamai. 16 He ko e me‘a kātoa ‘oku ‘i mamani, ‘a e holi ‘o e kakano, mo e holi ‘o e mata, mo e ‘afungi ‘o e mo‘ui, ‘oku ‘ikai mei he Tamai ia, ka ‘oku mei mamani. 17 Pea ‘oku faka‘a‘au ke mole ‘a mamani mo ‘ene holi a‘ana: ka ko ia ‘oku ne fai ‘a e finangalo ‘o e ‘Otua, ‘oku ne nofo ma‘u ‘o ta‘engata.

Siutasi 1:11 ‘Oiaue ‘a kinautolu! he kuo nau ‘alu ‘i he ‘alunga ‘o Keini, ‘o na u tafe atu ‘i he hē ‘a Pelami ko e sio totongi, pea nau ‘auha ‘i he angatu‘u ‘a Kola.

Siutasi 1:15-19 ke fai fakamāu ki hē kakai kotoa pe, pea ke fakamo‘oni ki he kau faka‘otuamate kotoa pe ‘enau ngaahi ngaūe faka‘otuamate kotoa pe, ‘a ia kuo nau fai ‘ilo pe, pea mo e ngaahi lea fefeka kuo fai kiate ia ‘e he kau angahala faka‘otuamate. 16 Ko e kakai ko ia ko e koto lāunga, ko e ta‘etoli‘a ‘i honau tufakanga kuo to, ‘oku nau fou ‘i he ngaahi holi ‘anauautolu; pea ‘oku lau me‘a lalahi honau ngutu, ‘o nau filifilimanako ko e sio me‘a. 17 Ka ko kimoutolu, si‘i ‘ofa‘anga, ke mou manatu ki he ngaahi lea na‘e lea‘aki ‘i mu‘a ‘e he kau Aposetolo ‘a hotau ‘Eiki ko Sisu Kalaisi: 18 he na‘a nau tala kiate kimoutolu, ‘o pehe, Tokua ‘e hoko ‘i he kuonga fakamui ha kau manuki ‘oku fou ‘i he ngaahi holi ‘anauautolu, ko e koto faka‘otuamate, ‘a ia ko e kakai ia 19 ‘oku nofo mavahē, ko e koto fakaenatula pe, ‘o ‘ikai ma‘u ‘a e Laumalie.

Fakaha 18:14 Pea kuo mole meiate koe ‘a e me‘a na‘a ke to ta‘u ki ai, ‘a e ngaahi me‘a na‘e holi ki ai ho‘o mo‘ui; io, kuo ‘auha meiate koe ho‘o ngaahi me‘a kotoa pe na‘e ifoifolelei mo matamatalelei, pea ‘e ‘ikai ‘aupito te ke toe ‘ilo ia.